

INUIT ATAQATIGIIT INATSISARTUNI



UKA2024/12

24.09.2024

Ateq Naggallu: Mariane

Paviasen Jensen

Unnuinermut akitsuut pillugu Inatsisartut inatsisissaattut siunnersuut.

(Aningaasaqarnermut Akileraartarnermullu Naalakkersuisoq.)

Oqaaseqaat:

Inuit Ataqatigiinni siunnersuut unnuinermut akitsuut nuannaarutigalugu aammalu eqqarsarluta kiisami siunnersuummut qujalluta ima oqaaseqarusuppugut.

Partiillu tamangajammik taamanikkut attaviitsortaqarluta unnuisarnermi akitsuumik atuutilersitsoqarnissaata periarfissaannik misissuisoqarnissaannik isumaqatigiittoqarpoq, tamatumallu kinguneranik siunnersuut una pilersinneqarpoq.

Ullut atulikkagut mutioqaat, nunarsuarmi nunarput annertuumik pingaarutilittut inissisimasuusoq paasineqarluariartuinnavippoq, tamatumallu malitsigisaannik takornariarlutik tikittartut amerlignaluttuinnartussaasutut oqaatigineqartarluni.

Inatsisissap suliarinerani tusarniaannerit pisarnerit malillugit ingerlanneqarsimasut maluginiarparput Naalakkersuisullu tusarniaareernerup kingorna naapperiaassuteqarneq ilanngullugu inatsisissamik siunnersuuteqarput.

INUIT ATAQATIGIIT INATSISARTUNI



Siunnersuummi maluginakkatta ilagaat unnuinermut akitsuut unnuinermut ataatsimut 30 kr.-neqartinniarneqartoq. Qujanartumilli nunaqavissunut atuutissanngitsoq siunnersuummi takusinnaavarput, nunaqavissut angalallutik unnuisarfinni unnuinerminni uppersarsaammik nassataqartariaqarnerat atuutereeraluartoq taamaattoq ilaanni uppersarsaatip piniarnissaa nalornissutaasarpog taamaammat ersarissumik inuiaqatigiinnut sukkt qanorlu ilisukkt pissarsiarineqarsinnaanera paasissutissiissutigineqarnissaa kissaatiginarpoq.

Naalakkersuisup siunnersuumini oqaatigaa minnerpaaffissaanik atuutilersitsisoqassasoq, taamaalillunigooq neqerruteqartoq unnuinerit 20-it amerlaqataannik 599,kr-t sinnerlugit akitsuumik akiliisussaappat akitsuusiisussaataaneq atuutilertassasoq, tamannalu Inuit Ataqatigiinni itisilerlugu paasisaqarfigerusupparput, tamanna qanoq naleqarnersoq, unnuisarfiillu qanoq amerlatigisut eqqartorneqarnerisut ersarissumik tunngaveqarluta ilisimalerusukkatigu, partiitinnimi naligiimmik pineqartussaataaneq pingaaruteqarluinnartutut naleqartitaraarput, unnuisarfiit ilaat amigartunik unnuisoqarsimatillugit akiliuteqartannginnissaat anguniarneqartoq paasivarput.

Taasumap saniatigut iluarisimaarparput akileraartarnikkut aqqisuusisimaneq aqqutigalugu nalunaaruteqartartussaanermik periarfissiineq, unnuisitsisarfiit nunatsinni assigiinngisitaartorpassuit periarfissaalersimapput, takornarialerisullu taamattutaaq aamma assigiinngisitaartorujussuannorsimallutik. Ilaqarput nunatta avataanniit aasaannakkt tikeriarlutik ukiakkt nunaminnut angerlaqqittartunik, qujanaraluarput nunatsinni suliffissanik pilersitseqataasarnerat taamaattorli annertuumik eqqartorneqartuartoq tassaasarpog nunatsinni aningaasanik annerusumik isaatitsissutaasinnaagaluarneri annaasaripput, siunnersuutillu

INUIT ATAQATIGIIT INATSISARTUNI



uumap tamanna ilaatigut matussusertussaavaa naak
annikiginarsinnaagaluartoq.

Siunnersuummi nunatsinni nunaqavissut akiliisinneqartassannginnerisa
saniatigut angallassinermi ajornartoorneq peqqutigalugu akitsuunik
akiliuteqartitisanninnissaq, tamatumallu saniatigut ullunik 21-nik
sivisunerusumilluunniit unnuisimasut akiliisinneqartannginnissaat
siunnersuutigineqarluni, tassanilu pissanngatigaarput partiit allat tassunga
qanoq isumaqarnersut, nakkutiginninniarnullu qanoq takkuningga
suliaqartunik isumaqarfigineqarnersoq paasilluarusunnartorujussuuvoq.

Inuit Ataqatigiinni siunnersuummi aningaasat isaatitat 300.000 kr-inik
ilanngariarlugit kommuninut agguanneqartartussaasut paasivarput kommunillu
takornarialernermi atukkanik iluarsartuusinnissamut aningaasat atussagaat
aalajangersarneqarluni, tamanna ajunngitsutut oqaatigissavarput taamaattorli
kommunit namminneerlutik sumi sunalu iluarsartuutissallugu
aalijangertartussaananerut eqqarsarnartutut oqaatigissavarput, ullutsinnimi
pissutsit qiviaraanni malugininarnartarpoq kommunit ilaanni iluminni
iluarsartuusinnernik pingaarnersiiveriaasiat illoqarfinnut mikinerusunut
nunaqarfinnullu annertuallaammik annaasaqaataasartut, aningaasanik
agguataareriaaseq piffiit takornariarfigineqartartut tamat assigiimik
pissarsisarnissaat nunami maani angisuuni inuttunneqisumi
malitassaqarluarnerunissaa pisariaqarsorinarsinikuuvoq.

Saqqummiussaq utaqqisimasarput nuannaarutigivarput.

Inuit Ataqatigiinnili isumarput tassaavoq siunnersuut tapersorsorluaripput,
apeqqutillu qulaanni taakkartukkagut qulaajartikkusukkipput taamaammatt
inuussutissarsiutinut aatsitassanullu ataatsimiititaliamut aappassaaneernissaa
pitinnagu suliassanngortipparput.